



Nezavisna komisija za praćenje uslova boravka u zavodima,  
postupanje i poštivanje ljudskih prava lica nad kojima se izvršavaju krivične sankcije  
i druge mjere koje je izrekao u krivičnom postupku Sud Bosne i Hercegovine,  
strani sudovi za djela predviđena Krivičnim zakonom Bosne i Hercegovine  
ili međunarodnim ugovorom čiji je potpisnik Bosna i Hercegovina  
ili drugi sud u skladu sa zakonom Bosne i Hercegovine

Broj: 05/6-50-15-27-89-3/23

Sarajevo, 1. 6. 2023.

## ZAPISNIK

**89. sjednice Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina ili drugi sud u skladu sa zakonom Bosne i Hercegovine (u daljnjem tekstu: Nezavisna komisija)**

Sjednica je održana u Sarajevu, 1. 6. 2023, s početkom u 17 sati.

**PRISUTNI ČLANOVI NEZAVISNE KOMISIJE:** Azra Alajbegović, prva zamjenica predsjednika Nezavisne komisije, Brana Spasojević, druga zamjenica predsjednika Nezavisne komisije, Aleksandar Faladžić i Vedad Gurda, članovi Nezavisne komisije.

**ODSUTNI ČLANOVI NEZAVISNE KOMISIJE:** Mile Lasić, predsjednik Nezavisne komisije.

**OSTALI PRISUTNI:** Ivana Lovrić, koja obavlja poslove sekretara Nezavisne komisije.

Sjednicom je predsjedavala Azra Alajbegović, prva zamjenica predsjednika Nezavisne komisije. Nakon što je konstatirala da postoji kvorum, otvorila je 89. sjednicu.

Nezavisna komisija jednoglasno je usvojila sljedeći

## **DNEVNI RED**

1. Usvajanje Zapisnika 88. sjednice Nezavisne komisije;
2. Razmatranje predstavke broj: 05/6-50-17-904-2/23 od 12. 5. 2023;
3. Razmatranje Informacije o postupanju po predstavkama zatvorenika Zavoda za izvršenje krivičnih sankcija, pritvora i drugih mjera BiH;
4. Tekuća pitanja:
  - a) Odluka Zajedničke komisije za administrativne poslove Parlamentarne skupštine BiH, broj: 03/5-50-14-11-2-5/23 od 18. 4. 2023,
  - b) Plan aktivnosti za juli 2023. godine,
  - c) Ostalo.

### **Ad. 1. Usvajanje Zapisnika 88. sjednice Nezavisne komisije**

Zapisnik 88. sjednice Nezavisne komisije usvojen je jednoglasno, bez primjedbi.

### **Ad. 2. Razmatranje predstavke broj: 05/6-50-17-904-2/23 od 12. 5. 2023.**

U uvodu za ovu tačku dnevnog reda prva zamjenica predsjednika Nezavisne komisije Azra Alajbegović istakla je da je ovo tijelo zaprimilo predstavku srodnika zatvorenika Kazneno-popravnog zavoda Zenica, te otvorila raspravu. Nakon rasprave, u kojoj je učestvovala većina članova Nezavisne komisije, a s obzirom na to da ovo tijelo nije nadležno za njeno rješavanje, jednoglasno je odlučeno da se ona prosljedi Federalnom ministarstvu pravde na daljnje postupanje, o čemu će podnosilac predstavke biti pismeno obaviješten.

### **Ad. 3. Razmatranje Informacije o postupanju po predstavkama zatvorenika Zavoda za izvršenje krivičnih sankcija, pritvora i drugih mjera BiH**

U uvodu u ovu tačku dnevnog reda prva zamjenica predsjednika Nezavisne komisije Azra Alajbegović istakla je da je, u skladu s dogovorom s prošle sjednice, sačinjena Informacija o postupanju po predstavkama zatvorenika Zavoda za izvršenje krivičnih sankcija, pritvora i drugih

mjera BiH, te otvorila raspravu. Nakon rasprave, u kojoj je učestvovala većina članova Nezavisne komisije, Informacija je jednoglasno usvojena.

#### **Ad. 4. Tekuća pitanja**

##### **a) Odluka Zajedničke komisije za administrativne poslove Parlamentarne skupštine BiH, broj: 03/5-50-14-11-2-5/23 od 18. 4. 2023.**

U okviru ove tačke dnevnog reda prva zamjenica predsjednika Nezavisne komisije Azra Alajbegović istakla je da je Zajednička komisija za administrativne poslove Parlamentarne skupštine BiH ovom tijelu dostavila Odluku kojom odobrava Finansijski plan i program Nezavisne komisije za 2023. godinu, broj: 03/5-50-14-11-2-5/23 od 18. 4. 2023.

Odluka je primljena k znanju.

##### **b) Plan aktivnosti za juli 2023. godine**

U okviru ove tačke dnevnog reda članovi Nezavisne komisije konstatirali su da, s obzirom na to da je u proceduri imenovanje novih članova Nezavisne komisije, plan aktivnosti za juli 2023. nije moguće utvrditi.

##### **c) Ostalo**

U okviru ove tačke dnevnog reda nije bilo rasprave.

Prva zamjenica predsjednika Nezavisne komisije Azra Alajbegović zaključila je sjednicu u 17.30 sati.

**SEKRETARKA**  
**NEZAVISNE KOMISIJE**

Ivana Lovrić

**PREDSJEDNIK**  
**NEZAVISNE KOMISIJE**

Dr. sc. Mile Lasić